

少室山房集



00397

少室山房類藁序

明興以帖括俳偶之文籠士士

不復知有古文詞正嘉以來摺

紳先生始名古學蓋濫觴於北

地而婁江新都始暢其流焉當

二子角峙海內如唐昌黎柳州

士闖其閥涉其階墀即可以傲

晚當世況其服膺避席而不敢

與蓋於當世又何如哉蘭溪胡

明瑞以殆庶之姿策勲竹素於

文無不工而尤工於韻語自漢

魏流開元大曆以還皆字摹句

擬如循枝攬葉以探厥本根志  
得之餘泯然與之合轍其致辯  
成都黝黝不倦余季幼清以為  
忠告其然乎又何恠當世方聞  
博雅之士聞聲而色飛望景響  
而股弁矣嘗一登婁江之堂婁  
江曰吾不能諱獻吉昌穀輩之  
疵也融而超之于鱗庶幾焉後  
我而作其在此子矣交新都新  
都曰成都博而不核也江左核  
而未精博而核核而精宜莫如  
明瑞夫濟南之秀句婁江之東

野也江左之賅練新都之退之也若曰吾終身所服膺在是餘子錄錄不復置齒牙矣一旦得明瑞而遽躋之二君之上此寧可虛詞浮說相假借哉苞籥之富位置之高騁騫之弘放誠有以服其心折其喙如尹望邢而泣季咸見壺子而却走固不自知其如此也夫當明瑞罷公車脫塵鞅高卧卷山靈洞之間目視雲漢非其人即貴侶弗友傲然以千古自命莊生有云談二

子於戴晉人之前猶一映也豈  
不然哉晉喻君邦相尹蘭江慕  
文明瑞相從於山顛水涯唱詠  
連日夕余心實向往之適視琢  
茲土而明瑞已騎雲煙去我而  
游寡廊勵購其遺文讀之而板

復漈漫紛錯曰以公事之餘稍  
為銓次又得蘭溪令君盧翕騰  
以襄其役鴻臚趙君文鎮以董  
其成孝廉徐伯陽章無逸輩以  
校其似皆閱覽博物君子也卷  
計為詩八十文半之臚分部列

犁然可觀矣余嘗讀弇山羊后  
生傳時明瑞年纔三十有八耳  
而所著詩已二十卷他所撰述  
計二十四種共為卷二百三十  
有三制作之富逾於古人後其  
年復不少也計所論著當有所  
散軼伏匿而不出者購成全書  
將在來喆嗟乎蘭陰之間激水  
之上高門華閣上第元僚指不  
勝僂矣其間道德功業昭垂於  
日月者殊不乏人而明瑞裹敝  
憤弄三寸柔翰直與爭不朽於

穹壤天畜之於彼而昌之此於  
世正得失半也乃世或為明瑞  
扼腕一第夫唐以詩賦取士猶  
失之李杜况夫俳偶帖括之習  
又烏足籠吾明瑞哉史氏傳文  
苑要當置是子婁江新都間耳

少室山房類稿

序

六

萬曆戊午中秋日新安江湛然

書于金華郡齋



石羊生傳

兪州山人王世貞

胡元瑞者名應麟一字明瑞嘗自號少室山人已慕其鄉人皇初平叱石成羊事更號曰石羊生人亦曰元瑞殆非人間人也仙而謫者也遂呼之石羊生元瑞父曰按察公僖母宋宜人按察公爲行絕類萬石君而文藻過之所至好行陰德名位不甚稱以雲南按察副使歸今尚壯無恙元瑞爲兒時肌體玉雪眉目朗秀五歲按

少室山房

石羊生傳

察公口授之書輒成誦見客客使屬對輒工九齡從里社師日佔俾習經生業而心厭之俄悉祛按察公篋得古文尚書周易國風雅頌檀弓左氏莊列屈原兩司馬杜甫諸家言讀之按察公竒其意弗禁也稍長遂能爲歌詩藉藉傳里中而于經生業亦不廢十五補博士弟子員非其好也會按察公拜尚書禮部郎挾與俱渡錢塘過吳閫汎楊子北歷齊魯趨魏之墟至燕市而止所經繇吊古卽事往往於詩歌發之而去

時南海黎惟敬歐楨伯梁思伯吳郡周公環吳  
興徐子與嘉禾戚希仲沈純父永嘉康裕卿先  
後抵燕發元瑞藏詩覽之咸嘖嘖折行請交至  
於琳宮梵宇高會雅集元瑞以齒坐末坐片語  
一出無不恍然披靡自失也曰使用昔賢隸事  
奪席例吾曹無坐所矣臨淮小侯李惟寅募元  
瑞甚使客纂而致之爲上賓旬日不聽出惟寅  
用是亦以詩名而周宗正灌甫雅自負風雅有  
人倫之鑒貽元瑞三十韻首以北地信陽相屬

少室山房

石羊生傳

二

元瑞益自信尋以按察公外除元瑞歸從母里  
中母患頭風甚劇元瑞委身醫藥間日夜扶持  
不休母頭風良愈而身過勞得清羸疾矣因跳  
匿金華山中而會大司空萬安朱公衡還過蘭  
谿朱公故從燕見元瑞詩而驚賞者至是發使  
山中蹤跡得元瑞以書要之而泊舟待三日元  
瑞感其意爲長歌七百言以贈朱公公袖示督  
學使者滕君伯輪曰天下奇才也滕君輒超格  
檄受餼學宮且趣入試兩御史再試再爲諸生

千人冠已薦鄉書上公車報罷元瑞意殊不在  
一第其所游從皆天下賢豪長者然所當心獨  
余兄弟第與李觀察于鱗汪司馬伯玉吳叅政明  
卿會于鱗死餘皆散處不相及久之意邑邑不  
自得而余弟敬美與觀察公同年過蘭谿謂觀  
察吾欲就阿戎談當勝卿遂卽元瑞劇語二夕  
皆申且踰別眷眷不忍釋曰吾於詩獨畏于鱗  
耳已矣今庶幾得足下又曰幸與家中丞同世  
胡不一及門卽卒然抱于鱗恨若何時余方謝

少室山房

石羊生傳

三

客曇陽觀聞元瑞來喜不自勝力疾啓關與爲  
十日飲閒出所著少室山房詩余得而序焉所  
以屬元瑞甚重而用是頗有斷斷者余二人俱  
弗顧元瑞乃高臥山中不復就公車而蘭谿令  
喻邦相豪於詩與元瑞意合忘形爾汝嘗偕過  
趙學士山房倡和連日夕元瑞之臥山中凡六  
載而始上公車至都下遇張觀察助甫助甫余  
兄弟友也讀元瑞詩擊節曰二十年亾此調矣  
元瑞亦奇助父詩契密無間且各自悵相遇晚

試復罷歸時大司馬張公甫靖浙難過元瑞  
里元瑞避弗見張公謂按察公公兒佳甚故知  
之今難我得非以使者惠文嶽嶽耶爲我致之  
錢塘請得具賓主禮元瑞乃強爲錢塘謁張公  
果以上客客之會伯玉來湖上大將軍戚元敬  
系至伯玉數與元瑞相聞問把臂劇驩出元敬  
七絕句詫之曰大將軍健兒也乃能作文語不  
下沈太尉曹竟陵生亦能賦贈我乎元瑞援筆  
千餘言立就奇思滾滾旣大將軍集相向嘆賞

少室山房

石羊生傳

四

不置伯玉因曰我欲之海上訪王元美兄弟生  
復能從我乎元瑞曰吾心也遂同過弇州園伯  
玉道爲少室山房集序其重不下余時偕元瑞  
至者伯玉弟仲淹仲嘉而張大司馬亦以內召  
跡伯玉而來尋先別去余兄弟與伯玉元瑞諸  
君積日游弇中甚樂也元瑞性孤介時時苦吟  
沉思不甚與客相當至其揮麈尾拈藝文持論  
儼然尤慎于許可有莫生者躁而貪以品不登  
上中側目元瑞甚屬伯玉元敬游西湖故遍置

坐客爲閔端元瑞夷然弗屑也及在弇仲淹被  
酒狎元瑞元瑞拒弗受客謂元瑞曩湖上之役  
胡以異茲元瑞徐曰莫生者庸詎足校也仲淹  
司馬公介弟吾儕當愛之以德獨柰何成人過  
耶客乃服元瑞自髻髻厭薄榮利餘子女玉帛  
聲色狗馬服玩諸好一切泊然而獨其嗜書籍  
自天性身先後所購經史子集四萬餘卷手鈔  
集錄幾十之三分別部類大都如劉氏七略而  
加詳密築室三楹貯之黎惟敬大書其楣曰二  
少室山房

計借巖棲臥游抱膝三洞兩都蘭陰時圖  
二十餘卷詩藪內編外編十二卷他撰述未行  
世者有六經疑義二卷諸子折衷四卷史叢十  
卷筆叢十卷皇明詩統三十卷皇明律範十二  
卷古樂府二卷古韻考一卷二酉山房書目六  
卷交遊紀略二卷堯玄國志十卷酉陽續俎十  
卷隆萬新聞二卷隆萬襍聞四卷駱侍御忠孝  
辨一卷補劉氏山棲志十二卷蒐輯諸書有羣  
祖心印十卷方外遐音十卷考槃集十卷談劍  
少室山房

石羊生傳

六

編二卷采真游二卷會心語二卷類萃諸書有  
經籍會通四十卷圖書博攷十二卷諸子彙編  
六十卷虞初統集五百卷蓋生平於筆硯未嘗  
斯須廢去元瑞壯未有子邇始舉二子戊子冬  
復以按察公命赴公車至瓜洲而病病積久不  
愈慨然曰吾其殆乎謂余知應麟者唯子幸及  
吾之身而傳我使我有後世後世有我

王子曰元瑞年三十有八耳神清而意甚舒卽  
偶犯霜露何恙不已而慮至此也夫以元瑞之

生僅三十年而著作克斥乃爾過此以往所就當又何如耶元瑞於他文無所不工績學稱是顧不以自多而所沾沾獨詩彼固有所深造也元瑞才高而氣雄其詩鴻鬯瓌麗迴絕無前稍假以年將與日而化矣至勒成一家之言若所謂詩藪者則不啻遷史之上下千載而周密無漏勝之其刻精則董狐氏韓非子也吾長於元瑞二紀餘姑爲傳以慰之且謂元瑞子後當竟傳我

少室山房

石羊生傳

七

少室山房稿序

弇山人吳郡王世貞撰

自余結髮而好言詩所與  
海內豪雋游亡不以詩進  
者大馬齒日益稍見所論  
著則諸豪雋自喜行其詩

少室山房

序一

少不以詩請者余之不能  
工為佞不能使人極意以  
為艱而思謝去之幾且焚  
筆研而最後乃為胡元瑞  
序少室山房詩元瑞之為  
言曰子所可必者一兩大

可恨者與我所不子負者  
各二子甚幸我而我薦其  
敝帚以希一言之華袞則  
可必子許我而不即寵施  
我即子一旦不可知大可  
恨我雖晚猶幸及子而不

終子之惠使後世疑其異  
時不相當大可恨即子過  
許我而我竭躑步武以求  
踐子之許不子負有所彈  
射而我惕焉以子為鑿盪  
不子負子以為矣若余乃

元瑞母刺促請息焉而  
為若序余之得元瑞於余  
仲者半歲所而元瑞進其  
詩余親之未嘗不三擊節  
歎也天不靳人以材而人  
取取其凡者棄之流行之

所擇而取其濁者去弱根  
者古人不秘移於後人而  
取其下中者天又不秘其  
聲色以供吾詩而聲取其  
蠅哇者色取其黝靈者索  
日吾接吾法于精而莫者

情自吾發吾不裏其肺腑者以是而治詩以是而號於人曰吾善詩吾善詩者何也元瑞材高而氣充象必意副情必法暢歌之而聲中宮商而徹金石覽之而色落星漢而攄雲霓以比於開元大曆之格已弗合也余嘗語乎仲諸前我而作者涵洪併織与亭毒並吾故推壯者然不能諱其滓絕塵行宮御雲爛兮

吾故推昌穀然不能諱其  
輕刻羽雕葉舍陳而新吾  
故推子業然不能諱其促  
鞭風馭霆以除為絕吾故  
推子相然不北諱其踈融  
而超之于麟庶幾哉然猶  
時見孤詣焉及我而作  
者其在此子矣夫予在此  
子至夫以今證之抑何左  
矣不矣也亡已而有子規  
者在昔鞠傳之稱田光曰  
智深而勇沈不深不玄不

吾故推昌毅然不能諱其  
輕刻羽雕葉舍陳而新吾  
故推子業然不能諱其促  
鞭風馭霆以除為絕吾故  
推子相然不能諱其踈融  
而超之于麟庶幾哉然猶

時々見孤詣焉及我而作  
者其在此子矣夫予在此  
子也夫以今證之抑何在  
矣不矣也亡已而有子親  
者在昔鞠傳之稱曰光曰  
智深而勇沈不深不玄不

沈不暨入之沈深生之自  
然完之粹然如大鈞雕物  
而不見工如良工夜輝而  
泯其痕斯三百篇西京建  
安之懿乎是集也其始基  
之矣而猶未也子之邦君  
有喻子者其問梓焉而以  
不佞言質之

萬曆辛巳仲夏朔日



少室山人彙稿序

少室山人者激水胡元瑞先生也  
先生天資穎異目靡以不窺嘗  
賈其餘勇著書有詩為筆叢  
行于世而其屬詩自樂而歌行以  
少室山人彙稿序

至五七言近體絕句約八十卷其  
屬文自序記傳狀誄銘尺牘約  
四十卷噫嘻盛矣郡司馬江公署  
蘭之泱暮民和政暇研神竹素  
爰輯而表章之則趙鴻臚文

鎮興孝廉徐伯陽青衿章無迄  
若而人咸立校讎言之後余入蘭數  
月而書成因得而竟業焉決手  
大風也哉蘭地多出碩儒名公卿  
其德業文章斌煥海內即學士  
少室山人彙稿序

所頌述兩賢良而沒以迄章趙二  
文懿陸宗伯諸公鴻冥龍躍顯潛  
殊操其勒成一亦均足以庶頑立  
懦開覺來學遭時以陳論侃侃  
乎奕軍國大計政治得失先生與

趙陸兩公同時意不可一世幼嘗從  
其尊人憲副公宦于燕每嚮慕  
賢良之不事科名者已遠矣迺  
今讀其詩若文益讀先秦兩漢  
兩司馬家之六朝初集之風哉

少室山人彙稿序

三

固不具體其卷帙之富篇什之麗  
可沿遊五都之市觸目琳琅能宮  
商之奏取韻鈞天者乎大都天寶  
生材不盡序於廊之上則西阜墜  
置丘壑之中則為其韻藉今先

生起制科翱翔木天高文典冊一鳴  
國家之盛何憂不致身融顯而一  
舉孝廉純意縵紳破產購書  
幾千萬餘卷其撰述稱是有足  
多者所知文盡海內諸賢豪而  
少室山人彙稿序

四

婁江新都最著婁江之言曰推乎  
吾前則吾歷不輓手吾後則有激  
水新都之言曰成都博矣而不精  
弇山精矣而未核博而核之而精則  
惟元瑞嗟之吾論定矣余于此道

醜雞又安能知先生第就蘭先  
遠之文而論其世章趙諸公當乳之  
九五道與時偕故能經緯區宇弥綸  
彞憲而無絕不朽少室仰止賢已綜  
述性靈組織詞令露山川之含光發  
少室山人彙稿序

五

斯人之耳目身隱而言一言言立而名  
附潛龍勿用時為初九要以數上不  
必而少室少室亦不必為如公潛  
躍隨時符采炳曜先生所以為文道  
之文也揆諸聖門蓋在游夏之科即

飛臣多聞子產博物不足侈矣易  
曰鼓天下之動者存乎蓍其彙稿之  
謂也歛哉容曰先生論著或滿或不  
滿子津之艷之何居余唯之否之麟  
鳳懸體以激祥金玉符受而同珎

少室山人彙稿序

六

形兇易昭今昔所好迥若篇章浩  
瀚質文茂加賞鑒難該將醬醜多  
謙睇月露而躍心向黏天而旋面斯  
六物情之大恒也抑子以謂去希則  
貴者乎至觀先生之托此少室著書

數萬言藏諸名山以俟諸其人超然于  
塵壒之外其出處大致受諸仁山香  
溪不謬寧獨文哉嗟々太冲不作皇  
甫已傳沒有知少室者當無俟于余  
言之唐々第因江公之表章而為之  
少室山人彙稿序

稍次其標架如此

萬曆戊午孟冬朔旦清漳盧

化鰲書于樂晉堂中



少室山房類藁目錄卷之一

卷之一

樂府一十八首

擬大明鏡歌十八首

有序

黃河清

鳳之翔

攬羣雄

克建業

發歸德

四友

戰鄱陽

盤門入

降谷珍

七閩

少室山房

卷之一

目錄

維中國

大都走

擴廓

昇面縛

北征

納哈出

六詔

受天命

少室山房類藁目錄卷之一



少室山房類藁卷之一

漱水胡應麟明瑞著

新都江湛然清臣輯

清漳盧化鰲翕騰訂

樂府一十八首

擬大明鏡歌曲十八首

有序

夫鼓吹鏡歌之作肇自有熊所以象成  
功昭盛美凡

聖王受天明命摧陷廓清之烈非此亡以

少室山房

卷之一

府

一

越省湯仁知  
恭完稿

被諸聲容粵自商周以征伐定天下

時播告之章弗可觀已漢鏡歌十八曲

其辭迄今尚存雖文義譌脫難以盡譜

歌中之辭亦匪專爲武功而設至味其

音節隱然發揚蹈厲之風視漢諸古詩

優柔馴厚者迥絕不倫則鏡歌所由作

可知已兩漢而下魏繆襲吳韋昭晉傅

玄宋何承天唐柳宗元代相擬襲趙宋

無聞則

皇明宋濂氏嘗追述之尋諸家制作卽風  
格詞藻未能抵掌西京一時可頌之績  
固咸取以被諸樂章矣

高皇帝提三尺起淮甸驅狂虜而遏絕之  
大荒之外此其勲德巍巍亡論湯武卽  
軒轅氏不無遜心獨饒歌之作諸文章  
家徃徃缺焉間一二僅見而辭義寂寥  
音節迂緩未足以揄揚

大造垂示無窮夫魏吳偏閩唐宋下衰繆  
必室山房

卷之一 樂府

二

韋何傳於騷壇未槩作者彼且黽勉步  
趨以自侈一時殊際焉

明臣子目擊

高皇帝震古無前之偉樹以安享二百禩  
之太平卽草莽山林疇匪

帝力而默默終身不能效一辭之贊甚非

所以效康衢擊壤野老細人之義也應

麟不敏呻吟佔俚餘二十年蠡海管天

頗測毫末謹按我

聖祖發軔之初以迄於四方底定之日敘  
次其事爲

大明鏡歌曲一十八章誠知謏聞謗讖上  
不足以鳴

昭代之鴻庥下不足以驚西京之遐軌以  
較唐宋諸家庶幾近之綴屬旣成不忍  
焚擲爰錄笥中附諸康衢擊壤之末異  
時鴻生碩彥製作迭興盛演歌辭登諸  
鼓吹俾

少室山房

卷之一

樂府

三

聖神勲德永揭千秋此或爲之嚆矢云爾  
鏡歌本二十二曲其四曲亡魏吳所  
擬僅十二曲說者咸以十曲仍用舊  
名然其辭亦不復傳何也今止據存  
者十八曲擬之考諸家詞惟繆韋傳  
常被施用承天宗元輩率私作之以  
備異時采擇者而憑依名義流播迄  
今故敢竊取其例焉

黃河清

元至正末黃河清

大聖啓運協符載闢宇宙爲黃河清第一  
黃河清聖人出應昌期誕至德着戎衣奮三尺  
靖四方建都邑干戈偃弧矢戰統華夷主社稷  
神與鬼咸受職腥膻掃燭火熄維

大明照中國萬千禩與天一

右黃河清二十句句三字

鳳之翔

高皇帝起濠上追王迹肇今名爲鳳之翔

卷之二

樂府

四

第二

鳳之翔在濠梁義師起帝網張二十四將驅天  
狼兵鋒所指定四方薄海內外以莫不來王威  
加六合返舊疆徵歌悉發諸兒郎復彼人民世  
世無有所與爲我沐與湯擊筑大風雲飛揚千  
秋萬歲樂未央

右鳳之翔十一句四句三字六句七  
大字一句九字一句十五字

攬羣雄

龍飛淮甸豪傑景從得大將達遇春等二  
十四人以一海內爲攬羣雄第三

攬羣雄盜如蝟大聖握符起淮汭與神爲謀蓄  
鋒銳提三尺劔驅海內驅海內攬羣雄真人出  
天下同四方六合咸景從如風從虎雲從龍汎  
掃大漠如飛蓬扶桑曠曠朝日紅驅海內攬羣  
雄

右攬羣雄十五句六句三字八句七  
字

必室山房

卷之一 樂府

五

克建業

師濟采石長驅金陵定

皇畿繫萬國爲克建業第四

克建業定皇畿皇畿定舉義旗天兵百萬任所  
之東吳南漢西蜀七閩六詔從風靡天下大定  
一戎衣

右克建業六句四句三字二句七字  
一句十三字

婺歸德

大駕東征首下寧越婺女之郊

聖蹕駐焉爲婺歸德第五

天兵十萬下東國婺以先寧駐

皇蹕景星熒熒耀城邑我戰則勝攻則克四海從風靡

弗一勢如破竹烽燧息天命曷歸歸有德

右婺歸德七句句七字

四友

兵入浙聘劉基宋濂等四人置帷幄

中爲四友第六

少室山房

卷之一樂府

六

於維文王是親四友疏附後先以翼元首哉哉

高蹤異代曷有天威是臨匍匐奔走猗與

聖祖廣延羣雄如天如海爲萬物宗王師所向

六合景從爰率車徒以定浙東浙東底乎大統

未集蚤作暮思思布文德曰基曰濂曰琛曰溢

玄纁奕奕交布東國曰四先生論道經邦坐而

弗名匡

朕弗遑鳴呼盛節慶流無疆德六五帝功百三

王

右四友三十二句句四字

戰鄱陽

偽漢陳友諒率徒數十萬來抗

高皇帝躬督大將達遇春等鏖戰湖口滅

之爲戰鄱陽第七

明日大戰戰鄱陽簡師料徒百萬強烈風吹沙  
湖水揚煙焰漲天焚大航三十六將死康郎再  
戰湖口殲餘皇我舟膠沙敵尚強疾呼奮臂來  
衝撞鯨鯢蔽空雲日黃拍江巨浪何茫茫如血  
火室山房  
一  
樂府  
二

鉅鹿尸昆陽維天命我明車輪碎螳螂百矢定  
邊背若芒一矢貫睛諒死亡諒死亡理出降威  
加四海莫不來王

右戰鄱陽十九句二句三字二句四  
字二句五字十三句七字

盤門入

張士誠據姑蘇命將覆其巢兵不血  
刃爲盤門入第八

盤門入士誠泣前歌後舞大師集兵不血刃下

城邑誰其帥者公魏國歸市弗止塵弗易萬姓  
懽呼頌

皇德二敵旣殲

皇之土東極滄溟南亘楚長驅入中原孰敢余

阻

右盤門入十句二句三字七句七字

一句九字

降谷珍

島夷首亂元未懾我大威束縛待命

少室山房

卷之一

樂府

八

海口爲降谷珍第九

方谷珍起盜藪乘元之亂竊據一方地如斗耗  
金幣大官洒海上時時飛且走如鬼如蜮雞與  
狗

大明當空燭九有舉宗乞命竄海口

帝憫其愚印加肘以較羣雄最小醜

右降谷珍十一句四句三字六句七

字一句十一字

七閩

陳友定保閩粵師縛之爲七閩第十  
七閩保岩阻連亘皆山梁友定據其巢負固如  
金湯我

皇命將諭諭以開茅疆自謂故元臣負義不肯  
降王師十萬下戈船逐長江兵入如破竹如虎  
吞羣羊委身繫尺組支體磔分張自謂故元臣  
守節甘喪亡大都以淪覆誰爲招國殤

右七閩十八句句五字

維中國

少室山房

卷之一 樂府

九

大將統六師北鄉儒臣濂諭檄中土  
華夏擴清爲維中國第十一

維中國帝王所自立瓊裘宅蒙古天地黯無色  
天重開地重闢扶桑熒熒日月出照入荒爛九  
域芟夷禍難四海一神龍夾助正統集

帝愍腥風染中國詔下大將軍達副將軍遇春  
提兵九十六萬戈鋌甲冑如浮雲命詞臣濂草  
檄諭彼中華民長驅入河洛壺漿篋食來成羣

右維中國十六句五句三字三句五

字四句七字二句十一字一句十二  
字一句十三字

大都走

天兵入大都故元主妥懽帖木爾棄  
社稷奔爲大都走第十二

元都平四海清神鬼受職蠻夷庭列大藩置神  
京汎掃腥膻混一區寓再造華夏開文明

右大都走六句四句三字一句七字  
一句十五字

必室山房

卷之一 樂府

十

擴廓

虜規復故都師擣之大戰於定西古  
城夷其部落王保保絕塞遁爲擴廓  
第十三

察罕起元末舉代推薦揚天命去勝國剗刃爭  
戰場維廓擴察罕子復良下益都伐洮陽驅兵  
出汶觀以望

帝三諭彌陸梁執囚我行人怒臂如螳螂命大  
將統武驍北征隴右一戰搗其巢搗其巢萬騎

突至如風颺，賴傅頴公却前茅，兩軍就舍不得  
交夜分，刳營足納一靴身，騎驕馬逃，驕馬逃絕  
大漠我軍四十萬，勝負互相角，巨網漏吞舟，竟  
死蕃部落。

帝稱好男子，維廓擴

右擴廓二十六句，七句三字，十句五

字，一句六字，四句七字，二句八字，一

句九字，一句十三字。

昇面縛

少室山房

卷之一 樂府

十一

蜀阻聲教，璟論不從，大兵入成都，虜  
明氏母子歸爲昇面縛第十四

昇面縛出成都，母子啞啞啼，路途父旻玉珍一  
目枯，貪饕亂亡起，雄圖不久身，殉罟遺孤  
大明御寓，驅羣胡，屢使遣諭如，追捕曠兵悍將  
驕相扶，驕相扶，守瞿塘

帝命頴國公東甌王，伐山通道開戰場，直搗階  
文潰腹心，腹心潰肝膽，亡母子與觀大道旁，昇  
也肉袒仍牽羊，侯以歸義戒殺降。

高皇帝德洪虞唐高宋武如豺狼

右昇面縛二十句六句三字十三句  
七字一句八字

北征

中夏略平分命諸上將耀兵沙漠虜  
庭一空爲北征第十五

明受命海宇一殘元餘孽負固不恭保其窟團  
結犬羊以俟我釁隙爲我子孫慝

皇帝遐思勿姑息乃眷西顧以北征桓桓大將

寒室山房

卷之一樂府

七

漢 統兵億萬犁其庭犁其庭虜膽落單于遁絕大

右北征十二句六句三字二句七字  
二句十一字一句十五字

納哈出

宋國公出塞降虜大酋悉收其衆二  
十萬餘人爲納哈出第十六

納哈出居金山二十餘萬衆虎視一何耽耽

帝命上公馮統兵出全燕天威所震懾虜駭不

金伐鼓壯士懽築三受降玉門關

右納哈出十三句二句三字七句五字一句六字二句七字

六詔

元孽負固滇中命沐英等督兵平之  
永鎮其地爲六詔第十七

虎踞  
六詔天西南惟滇號最鉅殘元曆數盡遺孽猶

少室山房

卷之一 樂府

七

帝愍絕塞民使命馳風塵彼昏不奉

詔虔劉我信臣

皇赫斯怒命黔寧艤巨舶浮昆明昆明水涸  
殲長鯨碧雞金馬入我版圖四海平

右六詔十二句八句五字

三句七字  
一句十一字

受天命

四方底平九域以寧百千萬禩統我

皇明爲受天命第十八

受天命定四方干戈偃鉞藏軼大武駕成湯

婉軒轅僂虞唐擴地萬里居中央整齊萬國開  
明堂漢唐宋晉隋諸邦絜功比德如蜩蟥萬八  
千歲永無疆

右受天命十三句八句三字五句七  
字

後學章有成無逸校刻

少室山房類藁卷之一

終

少室山房

卷之一

十四

入室山房類藁目錄卷之二

樂府三十首

漢鏡歌十八首

朱鷺

艾如張

思悲翁

翁離

上之回

戰城南

巫山高

上陵

將進酒

有所思

雉子斑

君馬黃

入室山房

卷之二目錄

芳樹

聖人出

上邪

臨高臺

遠如期

石流

補蜀漢鏡歌十二首

有序

帝車見

顧隆中

克老瞞

權進妹

定兩川

討漢賊

樂  
渡瀘

祁山

賊張郃

蜀如虎

五丈原

餘威懾

少室山房類藁目錄卷之二

少室山房

卷之二 目錄

三

少室山房類藁卷之二

東越胡應麟明瑞著

新都江湛然清臣輯

清漳盧化鰲龠騰訂

樂府三十首

漢饒歌十八首

朱鷺

朱鷺下漢道昌一雙羽翮雲中合  
沓而飛翔在我庭戶以建華鼓導大輅魚魚雅

少室山房

卷之二 樂府

一

雅詭彼行路朝食沆瀣夜濯風以露應期出世所  
慕五帝三皇巍巍福我祚

艾如張

艾如張張四維擊高鉦懸大旗戈鋌甲冑光陸  
離千靈從七校移虞人雜沓冠以皮臂蒼走黃  
當路岐南山有虎豹北山鹿麋狐兔若丘山縮  
足不敢馳我欲上天天門九重我欲入淵血肉  
饑蛟魚龍王者合三驅百獸一一歸我攀龍不  
見青冥冥冥者鴻聳六翮乘長風遊赤霄人無

窮雖有增繳羅網將安庸

思悲翁

思悲翁氣結不能言見長翁爲娶婦思得奉晨  
昏白頭以團樂婦惡如豺狼入門作災患牝翼  
鳴前庭舉室愴以煩知交各各縮舌親戚斷往  
還我有壺漿翁饑不得食我有裳衣翁體不得  
完思悲翁氣結不能言我欲訴上帝天門九重  
入以難我欲訴司命司命徘徊以盤桓念欲以  
高飛無羽翰以負翁去體毛何摧殘不若城上  
烏反哺翁殘年思悲翁氣結不能言安得天雨  
電霹靂震長夏雷霆半空下永永戒來者

翁離

舊辭缺今據補之

翁離趾中可築室何用葺之桂若蘭翁離趾中  
可築宮何用塗之椒以檀脩竹夾廣除一何檀  
藥千乘萬騎續紛哉往以還左長楊右甘泉汾  
陰後泰時前黃鵠高飛極雲天詞臣獻賦陛下  
之壽三千年

上之回

上之回祀甘泉金支颺翠旄旋雨師後風伯前  
鼓鐘管吹聲何填駢東達扶桑南逮于闐西逕  
流沙北訖祈連天出景星地產醴泉報慶成致  
精虔肅雍哉愴以嚴五帝三皇享億萬斯年

戰城南

戰城南日無色壯士長征死願作烏鳶食請謂  
烏與鳶壯士死國家委身喪其元汝食其肉一  
胡忍且殘世有大豪元惡巨奸殺公吏探赤丸  
暴戾恣睢膾人肝一旦禍機發橫尸道傍血如

少室山房

卷之三樂府

三

流泉腐肉如丘山汝胡不食甘此忍且殘請爲  
烏與鳶答君子言世有大豪元惡巨奸司命不  
敢錄司敗不敢拘司隸不敢糾彈十九老死牖  
下子孫貴盛冢墓象祈連彼雖有肉血我安得  
食壯士不自惜委身殉國家喪其元我固當得  
食彼復何言

巫山高

巫山高高望不可極日月蔽虧雲雨出入有美  
一人曰維神女朝爲行雲暮爲行雨冷然入公

夢貽我以翠羽鬱陶乎余心將以疇語將舍余  
國都以徃從女朝朝暮暮爲雲爲雨

上陵

上陵一何崔嵬宮殿若雲屯觀者爲徘徊門有  
車馬客駕言上陵廻千乘萬騎宵行烈風雷我  
欲還征憇望金銀臺封泰山禪梁父登日觀觀  
蓬萊蓬萊東見朝旭芝草叢生醴泉滿谷七十  
二家著編錄

將進酒

少室山房

卷之十一樂府

四

將進酒乘乘黃列鼓吹鳴笙簧齊姜楚姬列兩  
傍衛女秦娥左右以成行挾安陵戲龍陽擁長  
劍珮琳琅續哉紛盈高堂烹大臠炙肥羊五音  
和八珍良天瓢甘露臣以嘗千秋百歲逍遙以  
徜徉

有所思

有所思思美人美人渺何許大海天東南曷不  
徃從彼游路途險且艱弱水不容舟三山鬱巖  
阮宮闕冠巨鰲遙遙極青天美人在其上三山

高以寒我爲釣巨鰲截竹爲長竿持竿坐滄海  
大水何漫漫巨鰲牽不動但見一雙鯉魚遙墮  
青雲端呼童剖此鯉中有美人尺素翰前有長  
相思後有勸加飡徘徊感此意躑躅不能言

雉子斑

雉子斑雉子斑一雄一雌抱子田野邊雄飛摩  
天去不還孤雌養雛寄草間養雛寄草間乳哺  
一何艱夜不遑寢晝不及飡羽毛旣長成五色  
麗且鮮一鳴舉世驚一飛上冲天回頭顧視我  
母六翮何闌刪老病倏已至懨懨向重淵有子  
不得養慟哭摧心肝有子不得養慟哭摧心肝

君馬黃

君馬黃臣馬蒼飛軒蹠蹠大道旁旁人顧見臣  
馬以莫不謂良一朝中涓下明堂君馬入天闕  
意氣何揚揚臣馬老伏櫪伶俜瘦骨朝逐水草  
暮逐斜陽背負鹽車以西上太行路逢伯樂造  
父王良停車振策爲我彷徨念欲剪拂我以登  
明堂嗟筋力已盡莫能騰驤長鳴短號斷絕中

腸

芳樹

芳樹芳樹揚春華結秋實東風歷亂而飛揚容  
色在朝夕美人坐高堂兀兀愁蛾眉君心爲他  
人冶艷能幾時春華詎能久秋實那可期普天  
之下悠悠疇非輕薄兒班姬與陳后解事一何  
遲黃金買詞賦徒爲世主疑不見芳樹枝榮瘁  
各有時端居任大化何用戚戚嚙蛾眉

聖人出

火室山房

卷之二 樂府

六

聖人出明光宮萬乘千騎升回中望祀天地禋  
於六宗百神來享以莫不肅雍肅雍雍雍四方  
同風唐虞之世比屋皆可封浩浩大化與天地  
無終

上邪

上邪我與君輸肝委膈他人那得聞  
急難各相護救決絕妻子如浮雲中心耿耿金石百年以  
爲鄰巢由撫六合堯舜下閭闔山崩石爛河枯  
海水竭十日竝出天地裂我與君好永不絕

臨高臺

臨高臺望長安飛甍畫棟嵯峨峭崿而巖峴  
龍九旂限重關我欲謁天闈一覲上帝顏手持  
長生藥以奉心所懼上帝肯聽臣億萬千斯年  
蒼龍九旂限重關限重關使我欲進心茫然臨高臺望  
長安撫膺三嘆行路難

遠如期

遠如期遊四方北碣石南瀟湘西太華東扶桑  
鑿混沌竅燕中矣飲則食兮樂而康以尋列仙  
少室山房  
卷之三  
樂府  
七  
拾金光飛翔八極行七襄馳驅絕冥觀大荒千  
秋萬禩壽未央男兒墮地桑弧蓬矢射四方安  
得老死一丘局促若轅下駒守故鄉

石流

石流南山有石北澗有流石何齒齒流何湯湯  
石以枕我流以漱我腸幽蘭哉夾岸芬以芳芬  
以芳順風揚彼美人兮天一方安得寄此永永  
長相望

補蜀漢饒歌十二首

有序

炎精既缺海寓三分昭烈以漢室宗親  
親任武鄉君臣一德託孤寄命比隆伊  
周自兩漢以還大統故當以蜀爲正王  
通氏抗言武鄉不死禮樂可興識者咸  
謂不誣顧漢氏而下魏吳晉各有饒歌  
以播揚功德蜀反缺焉蓋武鄉身任復  
漢之責魏吳未滅夙夜皇皇惟誓帥鞠  
旅東鄉是圖舍是而播告聲歌彰明得  
意此天下旣平之事非枕戈待旦之日

所暇爲也又蜀之文人時尤不婉譙周  
郤正等輩槩之詞賦咸匪所長亡論武  
鄉未暇卽欲有事焉未有可以肩草創  
之能洪濶色之寄者也惟是魏吳製作  
流傳迄今才流藝士簧鼓筆端動以昭  
烈武鄉夷諸僭竊順逆邪正鬱而弗彰  
余甚憾之昔陳壽三國帝魏先晉紫陽  
一正其謬稱快千秋不佞佔俾詞場餘  
二十載于樂府雜調頗覩一斑每讀鼓

吹鐃歌至繆襲韋昭傳玄諸作不勝攬  
腕至欲鼓而攻之噫彼各自尊其主勢  
則宜然百世之後是非大明而操管握  
觚之儔從事樂府惟齊梁月露冶艷相  
沿迄未能一厝意於此余則何敢以謙  
讓未遑也爰效繆韋諸體爲蜀漢鐃歌  
曲一十二章上以著昭烈間關戡定之  
績下以明武鄉夾輔盡瘁之忠卽藻繪  
方之諸家未當魯衛而理直義形據事

少室山房

卷之二 樂府

九

陳詞羣嗥自廢忠臣志士之憤或賴此

其一雪矣夫

宋無鐃歌宋景濂嘗追補之惟後漢獨缺云

帝車見

昭烈甫髫舍東南產奇樹五丈餘童  
童若羽蓋望氣者咸屬心焉爲帝車

見第一

帝車見涿鹿墟童童立五丈餘千靈衛七聖趨  
颺金支翼翠旗雨師道風伯驅氣如龍殷里閭  
真人起握斗樞奠漢鼎撫皇輿炎精曜火德噓

億萬載帝方隅

顧隆中

先主屯新野三顧諸葛亮於隆中明  
良之感寔絕千古爲顧隆中第二

顧隆中一顧再顧三顧何從容千秋載觀明揚  
風君臣契合魚水同莘野幣交湯匪躬渭川一  
見羅非熊何如三顧勤隆中惜哉炎燼噓殘虹  
創業未半中道終三分鼎足寧稱雄

克老瞞

必室山房

卷之二

十

曹操取荆師百萬而東命諸葛亮諭  
權發兵大破操於赤壁爲克老瞞第

三

克老瞞厥功不可量瞞挾天子令四方以暴如  
虎貪如狼既定荊州下長江併兵八十三萬強  
克威所指橫以張所觸者碎當者亡遣軍師亮  
諭孫權權奉命發兵助我屯江干桓桓烈炬戰  
艦轟將士大呼衝敵堅賊兵百萬屍如山操走

烏林四海安

權進妹

既破操屯荆權懾大威詭媒締好

權進妹第四

權進妹託同仇外戚內疎諧孫劉包藏禍心蓄  
愆尤牀帷甲第圖淹留弋鋌矛戟紛相求帝握  
大機與神游與神游衆叵測劉郎權孫郎泣周  
郎唇乾口燥呼不得以頭搶地長太息千秋齒  
冷笑吳國史稱瑜合權離間羽飛等臨歿復以  
爲言云

定兩川

火室山房

卷之二 樂府

十一

成都底定遂圖漢中馘淵驅郃魏操

鼠奔爰建大號卽帝位爲定兩川第

五

定兩川皇圖赫赫帝業安成都破竹萬姓懽壺  
漿夾道食以簞西指定軍奪前山夏侯來爭馘  
斬淵馘斬淵衆大崩郃也棄馬亡心覓操懾首  
鼠抱頭奔抱頭奔兩川一順天應人卽皇帝位  
新萬國

討漢賊

羽破襄圍樊風動華夏操震怖欲奔  
權帥賊黨蒙遜襲荊州漢事遂壞先  
主親征權軍於猓亭爲討漢賊第六  
討漢賊屯猓亭屯猓亭皇赫斯怒以親征嗟關  
羽率衆圍樊城七軍夜泮師徒崩操懾大威如  
雷霆賊權惴惴怖且驚怖且驚謀呂蒙逞虐焰  
乘奸克爲鬼爲蜮蟻與蠓遂亡荊州喪大功踰  
月蒙死屍流蟲皇赫斯怒離巴中離巴中以親  
征破梯歸震夷陵蒙賊旣死遜賊復興嗟嗟昊

火室山房

卷之二 樂府

十一

穹漢事壞垂成

渡瀘

丞相亮受遺輔政五月渡瀘羣夷格  
心式歸大化爲渡瀘第七

度瀘師徒一何勞五月盛暑深入不毛託孤寄  
命予惟伊咎陶勞實在予予曷敢逃五月盛暑  
深入不毛獲彼大會以令羣豪七縱七擒俾返  
其巢衆懾天威永戴大朝振旅而還徒御弗號  
雍雍旆旌肅肅羽旄文德誕敷爰格有苗千秋

兩階載觀唐堯

祁山

丞相亮將圖中原上表出師三郡響  
應魏人震恐舉國奔命爲祁山第八  
祁山出漢賊驚創業未半先帝崩丞相匪躬夜  
弗寧上表帥師東鄉征卒徒十萬如風霆潛張  
箕谷爲疑兵身率大衆屯街亭三郡響答如流  
星惜哉馬謖毀垂成載出軍王雙臬郭淮遁拔  
武都陰平魏大震

少室山房

卷之二

梁府

三

馘張郃

司馬懿帥衆來攻命魏延等逆擊大  
破之馘其將張郃於陣魏人喪氣不  
復出爲馘張郃第九

馘張郃在鹵城蜀人歡忻魏震驚魏兵百萬乘  
蜀營司馬披甲仍先登我師一出殲長鯨卒徒  
賈勇懿大奔積甲三千若丘陵司馬匍匐亡旌  
旌賊徒郃追木門萬弩射郃褫郃竟馘之不異  
雞與豚桓桓八陣孰敢嬰所當者破擊者平如

湯如武天下無敵十一征

蜀如虎

賊堅壁不戰使以巾幗遺之懿擗感  
受焉魏衆咸曰公畏蜀如虎奈人笑  
何爲蜀如虎第十

蜀如虎師甚武熊羆十萬下天府仁義禮樂爲  
盾櫓奸雄閉穴氣銷沮甘受巾幗呼老姥嗟嗟  
懿如鼠亮如龍蜀如虎

五丈原

少室山房

卷之二 樂府

師上五丈原畊者雜於渭濱三代

制之師至是再覩爲畊渭濱第十一

五丈原駐三師三代以還僅覩茲濱渭雜畊軍  
無私芻糧百萬饒餘貲中原克復功須斯功須  
斯定關洛滅魏斬睿梟懿極權混一四海典禮  
樂

餘威懾

大星殞亮卒師魏衆來追我兵反旆  
擊之懿梟奪反走爲餘威懾第十二

餘威懾走仲達胡天弗吊喪諸葛大星煌煌殞  
天末我師反旆喪不發魏人懽呼夜來躡鳴金  
展幟雷電掣懿也狼奔膽欲裂千秋壯士贊諸  
葛死諸葛走生仲達

同邑趙鳳城文鎮校刻

少室山房類彙卷之二

少室山房

卷之二

樂府

十五

少室山房類藁卷之三

樂府三十首

擬漢郊祀歌十九首

琴練時日

帝臨

青陽

朱明

西颢

玄朗

維泰元

天地

日出入

天馬

天門

景星

少室山房

朱乙三

目錄

后皇

齋房

華燁燁

五神

朝隴首

象載瑜

赤蛟

蒲梢歌

太乙歌

靈芝歌

琴操十一首

龜山操

漪蘭操

履霜操

殘形操

雉朝飛

采芝操

秦女操

八公操

思歸引

別鶴操

牝晨操

少室山房類藁卷之三

少室山房

卷之三 目錄

二

琴操

琴操

孤鶴引

孤鶴引

秦女操

秦女操

少室山房類藁卷之三

灑水胡應麟明瑞著

新都江湛然清臣輯

灑水趙鳳城文鎮校

樂府三十首

擬漢郊祀歌十九首

練時日

練時日候陰陽郊圓丘祀明堂君焄哉蒿薦上帝

靈來思思弗替靈之駕六飛龍天門開誅九重

少室山房

卷之三

樂府

一

靈之旛翼神魚乘罡風載行厨靈之裳曳三光  
爛虹霓象玄黃靈之珮建蒼玉鏘大虛答窮谷  
靈之下赴閭闔洋洋如走六合靈之歆稷用登  
告特性報維馨靈之留駐蒼虬紛萬舞舞結綢繆  
靈之往遺蚡蠶儼若思企餘想奏咸池舞韶箭  
續紛哉靈之樂臣八荒馭九夷歲千億靈之貽

帝臨

帝臨中央以運四方苞孕萬彙協和三光厥服  
載黃厥數載五克配上帝維我后土皇皇后土

德周遍咸百穀告成大有所年

青陽

青陽載臨萬物敷榮勾萌甲拆蠢動含靈雷乃發聲雲行雨施大造之仁品彙華滋跂行喙息繫以疇息東皇太乙莫匪爾德

朱明

朱明燁燁品彙嘉悅鮮潔齊均以莫不達祝融司造熏風維時皇人法天南面象離萬物相見茂昭大夏昭告昊穹百神來下

少室山房

西顛

卷之三

樂府

二

二百廿五

西顛金方蓐收是秉卉木變衰霜露淒緊旣蓑旣穠我稼我苗實穎告成碩彼東郊爰馨黍稷殷薦上帝于億千年永矢弗替

玄冥

玄冥水伯載司寒沍殞霜殺草昆蟲閉戶北風宵厲飛霰晝零木脫水涸雷蟄無聲歲運旣徂陽和在侯萬寶旣成敢告明后

維泰元

於維泰元象帝之先綱紀三才遍周八埏皇皇  
天地疇闔疇闢於維泰元潛運無極風雨雷露  
維日月星辰咸若其時克順克成胎卵濕化生育  
孳遂滅除灾克增長福艾四序旣宜八表旣安  
孰司其柄於維泰元嘉牲燁燁陶匏涓潔聿來  
駿奔靈爽斯達以莫不虔以莫不馨元化網緼  
泰階底平

天地

維天維地協尊竝巨嘏余一人六合和豫皇皇

少室山房

卷之三樂府

三

七十五

齋宮穆與神通臣隣景從蕭蕭雍雍報園丘兮  
祀后土千童羅列謳且舞曳擊笙鏞鳴琳球神  
如有知儼來遊大小諸秩咸敬厥職整齊服章  
駿奔翼翼羣公秉德毋怠毋忽大君恭默式於  
列辟降天神兮下地祇朱雀爲駕蒼龍旗勾陳  
前導屏翳馳長劔幼艾紛陸離流商刻羽歌咸  
沘神颺擊鞞河宿移簫韶九成鳳來儀皇人萬  
壽登維祺

日出入

日出入場谷扶桑間一何迅且疾百年若電光  
四序如風颺祝融驅火輪葶收乘斗杓羲和掣  
神鞭玄冥扇狂飈安得駕六龍遊遨遍八極長  
生不復死永永天地畢

天馬

天馬來自渥洼度月支逕流沙天馬來徠以蹠蹠  
骨權奇汗維血天馬來驥爲友喪驪黃牝與牡  
天馬來躡浮雲日千里空而羣天馬來服帝閑  
從法駕鳴和鑾天馬來兆有德瑞萬方景四國

少室山房

卷之三 樂府

四

三五

天門

天門開闢九重上帝居百靈從瑤爲臺璇爲室  
樞紫貝牖金碧吐望舒宅曜靈建雷鼓樹霓旌  
左蒼龍後白虎守飛廉衛玄武靈光被六合周  
燭萬景洞九幽勵精誠薦嘉藻永如期錫難老  
靈爛爛兮載揚光清飈激雲下羽旛牽牛織女  
行七襄蛾眉稚齒紛君堂靈目成兮悅而康合  
祝啟兮陳笙簧天門呀然豁扶桑雙翼乘風朝  
紫皇揖西王母攜東方食蟠桃實乘黃周

八紘度九域吐納真精戲無極

景星

景星見祠神鼎載出煌煌赤文以播有德經絡  
虹霓屈蟠蛟螭魑魅魍魎莫能逢之我鼎爰獲  
我號爰建以祀汾陰光我大漢巍巍夏后錫此  
實勞閱歷商周肇見我郊敢告上穹肆逮下土  
作樂象成百獸率舞享帝享親以莫弗歆甘露  
是凝昭我萬齡

后皇

夾室山房

卷之三 樂府

五

三

后皇降休介我景福以玄以黃黼黻章服靡邇  
弗洽靡遠弗蒙億萬兆庶視此成功

齋房

齋房三秀柯葉九莖煜煜皇皇太和是蒸亭雲  
爛霞噓日月精句曲之天金液玉英羽駕罡風  
八翼上征春曲靈苗維王國禎於鑠我皇禋億  
萬徵

華燁燁

華燁燁黍馨延庶旄駐翠旌神之來七聖具

虹爲馬蜺爲車神之來百靈萃風爲裳水爲佩  
神之來薦嘉豆八珍輻衆芳輳神之來肆長筵  
雷大鼓鳴鈞天何以休神之留赤鳳至黃麟游  
何以豫神將遇慶雲見甘雨澍躋鹿盧綦星辰  
佐昊穹佑下民酌斗杓和沆瀣揄長蛾擁幼艾  
日馳精月揚光爛昭昭樂未央崑崙墟瀛海溢  
以余歸浩無際

五神

維五神五岳精德盛大包羣靈佐東皇贊太乙  
火室山房  
報圭璋達琮璧奠桂醕以椒漿牲肥腍祓斯皇  
女巫進姦以麗迴雲旂駐霞幟神偃仰以徘徊  
歷明堂昇帝臺維光華嘏大漢年歲登永嘉薦

朝隴首

朝隴首遊白麟顯光華

字說麇之來也光華不可正視從鹿從文輔

一人靈昭昭慶萬國肇皇仁祇帝德八蠻共四  
夷王母怠荒納嘉祥嬉余藪服余輅浴和風沐  
甘露左蒼龍右紫鸞文狸後赤豹前圖爾形輯  
爾瑞五千曆視茲歲

象載瑜

象載瑜粲六牙至萬里自流沙入天閑服輿阜  
扈法駕彰大造翩翩哉赤鴻來超虞羅翔玉臺  
翮五文麗以鮮銜靈芝嚙醴泉兆嘉祥禔景福  
八荒來四夷服

赤蛟

赤蛟下蒼龍遊靈已醉不可留赤蛟翔彩虹馭  
靈欲歸不可駐靈之逝觀玉臺戲閬風宴蓬萊  
靈之昇上無極挾宇宙傍月目靈般般亦享余

水室山房

卷之三

樂府

下神雀降天厨靈殷殷肆余佑億萬祀永以壽  
蒲梢歌

天馬來兮涉玉門服天閑兮朝至尊駕余車兮  
上崑崙閱萬國兮超乾坤

太乙歌

貢驂躡兮自太乙若滅没兮亡其一以龍爲駒  
麟爲匹歷塊萬里昭帝德

靈芝歌

孕三秀兮毓靈芽承月精兮映日華爛輝光兮

發雲霞服紫莖兮  
嚙胡麻乘赤霄兮  
上無涯

琴操十一首

龜山操

龜之峻嶒兮望魯之疆  
龜之憑陵兮蔽魯之邦  
遲遲余行兮載贄於筐  
余懷以怲怲兮胡爲去  
父母之鄉

漪蘭操

汎汎崇蘭在彼空谷  
以芬以芳達於平陸  
達於平陸大國之香  
薄言掇之以遺王  
王以遺王

琴操

卷之

疇適逢世歲月行暮  
芬芳

芬芳

羌不

可留忡忡我心曷維其憂

履霜操

嗟嗟皇考放余於野  
今凜凜嚴霜雨雪交下  
今雨雪交下曷弗可留  
今念欲自明我維君憂  
今我維君憂逝將安適  
今世豈有茲無父之域  
今無父之域余曷以居  
今煢煢上天罪實在予  
今

殘形操

夢之憧憧兮厥形維  
狸形之蛩蛩兮胡首則  
遺

茫茫吉凶兮疇尅我期皇皇昊穹兮庸豁我疑

雉朝飛

雉雉於田兮維雌則隨暮而無妃兮入而安歸  
憂心怛怛兮將以告誰援琴而歌兮以寫我悲

采芝操

煌煌紫芝三秀五莖鬱鬱崇岡龍從眇冥爰陟  
其巔爰掇其英顏色麗鮮以敷以榮身輕翼舒  
遊六合外駟馬高蓋翳以疇頓巢哉由哉寤言  
弗猜唐哉虞哉亦已焉哉

卷之三

秦

穀之穰穰兮可刈  
走兮劔之囂囂兮可捍七首兮

八公操

煌煌八公下帝庭兮貽我大藥登遐齡兮嬰兒  
姹女相和鳴兮飛翔九垓羽翼成兮金支翠旂  
夾路迎兮萬年不死居曾城兮俯視六合徒營  
營兮朝生夕枯如蠓螟兮

思歸引

維鹿有由兮維鳩有雋兮爾徒余囚余寧爾器兮

別鶴操

羽翼雙飛兮中道當乖汝翔安適兮余居曷諧  
彼伎則害兮爲家庭災汝淑則慧兮曷明余懷

牝晨操

維牝無晨兮爾胡以鳴兮維爾之鳴兮家胡以  
寧兮牝兮鳴



